



Fylkesmannen i Troms og Finnmark

Romssa ja Finnmarkku fylkkamánni
Tromssan ja Finmarkun maaherra

Boazodoallolága guoskevaš mearrádusat

§ 9. Vuoigatvuohta eaiggáduššat bohccuid sámi boazodoalloguovllus

Dušše sis geain lea mearkavuoigatvuohta, gč. § 32, lea vuoigatvuohta eaiggáduššat bohccuid sámi boazodoalloguovllus.

Lea eaktun ahte bohccot gullet siidaoassái dahje buhtalas álggahanoassái man jodiha ovddasvástideaddji jodiheaddji § 10 ja č. §§ mearrádusaid mielde.

Jus leat erenoamaš ákkat, de sáhtta Boazodoallostivra miedihit ahte olmmoš gii ii deavdde eavttuid vuosttaš dahje nuppi lađžasis, oažžu eaiggáduššat bohccuid sámi boazodoalloguovllus.

Boazodoallostivra sáhtta maiddái miedihit ovttaskas olbmuid dahje ášahusaid eaiggáduššat bohccuid dutkamiid ja geahččalemiid várás almmolaš jodiheami dahje geahču vuolde. Diekkár lobit galget addojuvvot dihto áigái ja dihto eavttuid vuodul.

§ 10. Siidaoasi

Siidaosiin oaivilduvvo bearaš dahje ovttaskas olmmoš mii gullá siidii, gč. § 51, ja gii doaimmaha boazodoalu ovtta olbmo jodiheami dahje náittosguimmežagaidda dahje ovttasássiid oktasaš jodiheami vuolde. Siidaoasi jodiheaddji galgá ássat Norggas.

Siidaoasi ovddasvástideaddji jodiheaddji mearrida gii oažžu eaiggáduššat bohccuid siidaoasis ja man olu bohccuid.

Boazoeaiggát sáhtta leat dušše ovtta siidaoasi ovddasvástideaddji jodiheaddjin, ii ge sáhte eaiggáduššat bohccuid eambbo go ovtta siidaoasis. Agivuloš mánná gean váhnemat eai eale ovtta, oažžu almmotge eaiggáduššat bohccuid siidaoasis sihke eatni ja áhči bealde.

§ 15. Siidaoasi jodihanovddasvástádusa sirdin

Jus ii leat ášahuvvon buhtalas álggahanoassi, de sáhtta siidaoasi jodiheaddji sirdit siidaoasi jodihanovddasvástádusa mánnái, áddjubii/áhkubii dahje eará olbmui gii § 9 vuosttaš lađžasa mielde deavdá eavttuid bohccuid eaiggáduššama birra siidaoasis.

Siidaoasi ođđa jodiheaddji galgá leat válddáláš ja galgá leat searvan buot boazodoalu bargguide jodiheaddji fárus unnimusat golbma jagi. Fylkkamánni sáhtta almmotge erenoamáš dilálašvuodain dohkkehit sirdima mánnái dahje áddjubii/áhkubii gii ii deavdde dáid gáibádusaid.

Marŋel siidaoasi jodihanovddasvástádusa sirdima lea siidaoasi ovdalaš jodiheaddjis ain vuoigatvuohta atnit bohccuid siidaoasis.

Jus siidaoasi jodiheaddji jápmá ovdal go lea dahkkon mearrádus nugo namuhuvvon vuosttaš lađžasis, de lea mánás, áddjubis/áhkubis dahje eará fuolkkis gii deavdá § 9 vuosttaš lađžasa eavttuid bohccuid eaiggáduššama birra, vuoigatvuohta badjelasás váldit siidaoasi ovddasvástádusa jus leaska dahje báhcán ovttasássi ii váldde ovddasvástádusa badjelasás § 14 njuolggadusaid mielde. Nuppi lađžasa mearrádusat gustojit dán dáfus.

Jápmima oktavuođas sáhtta ohcat guovllustivrras lobi vurket siidaoasi dassáži go mánná, áddjut/áhkut dahje eará olmmoš gii deavdá § 9 vuosttaš lađžasa eavttuid bohccuid eaiggáduššama birra, lea šaddan válddáláš. Siidaoasi sirdin galgá diedihuvvot fylkkamánii mii dárkkista ahte sirdima formála eavttut leat devdojuvvon.

§ 32. Mearkavuoigatvuohta

Mearkavuoigatvuohta lea sámi sogat olbmui:

1. geain lága fápmuiboahtimis alldiineaset lea boazodoallu váldoealáhussan orohagas lága mielde geassemánu 9. b. 1978 nr. 49 boazodoalu birra, gč. § 4, vrd. § 3, dahje
2. geain váhnemiin dahje váhnenváhnemiin lea boazodoallu leamaš váldoealáhussan, ja
3. geat gullet siidaoassái dahje bohtet gullat siidaoassái mearrádusa mielde § 10 nuppi lađžasa olis dahje geat galget jodihit siidaoasi dahje buhtalas álggahanoasi § 11 rájes gitta § 15 olis.

Son gii adopterejuvvo, oažžu seamma mearkavuoigatvuođa dego jus livčči leamaš adoptiiváhnemiid iežasriegádahtton mánná, vaikko son ii livčče ge sámi sogas.

Sus gii lea náitalan siidaoasi ovddasvástideaddji jodiheaddjin, muhto ieš ii deavdde mearkavuoigatvuođa eavttuid vuosttaš lađžasa mielde, lea mearkavuoigatvuohta. Seamma vuoigatvuohta lea ovttasássi, gč. § 13 njealját lađžasa

Jus goalmát lađžasis namuhuvvon olmmoš váldá badjelasás siidaoasi jodiheami, gč. § 14, de lea sus mearkavuoigatvuohta nu guhká go son lea siidaoasi ovddasvástideaddji jodiheaddjin. Su ođđa náittosguoimmis dahje ovttasássi ii leat mearkavuoigatvuohta goalmát lađžasa mielde.

Jus Boazodoallostivra lea § 9 goalmát lađžasa mielde addán olbmui vuoigatvuohta eaiggáduššat bohccuid, de sáhtta Boazodoallostivra maiddái addit sutnje mearkavuoigatvuohta dalle go lea dárbblaš dohkálaš boazodoalu doaimmaheapmái.